

吳伯雄
編

陳壽祺全集

①5



廣陵書社

陳壽祺全集



廣陵書社

第十五冊

重纂福建通志序(一)	五
重纂福建通志序(二)	一一
重纂福建通志序(三)	二一
凡例	二七
福建全省總圖	三七
目錄	八五
福建通志道光九年重纂職名	一三七
福建通志道光十五年續修職名	一四三
福建通志同治七年覆刊職名	一四七
詔諭(一)	一五三

詔諭(二) 二二三

詔諭(三) 三一七

詔諭(四) 四七三

詔諭(五) 六二三

詔諭(六) 六八九

重纂福建通志

福建通志

同治戊辰春鐫
正誼書院藏板

重纂福建通志序

粵自

國朝雍正間

世宗憲皇帝詔天下督撫修志書於是各省通志次第告成而福建通志於乾隆二年始纂輯成書恭呈

御覽

四庫全書著錄焉至三十三年又修續志而閩之事蹟蓋略備矣

國家重熙累洽自乾隆以來幾及百年疆域之沿革形制之變遷不能無今昔之不同於是道光九年又有重纂之舉考其時秉筆者為陳恭甫太史太史出吾鄉阮文達之門深於經術所著五經異義疏證左海經辨左海文

集文達皆采入

皇清經解中其學問根柢猶有乾嘉老輩之遺故
發凡起例具有體要惜以經費不敷甫作旋
輟中間又延鳳池書院山長魏和齋太史纂
校至道光之末始稍有端緒蓋成書若斯之
難也刊刻未竟以軍興中止同治六年吳仲
宣制府李星衢中丞莅閩因紳士之請乃籌

巨貲登全書於版及九年秋凱泰奉

命撫閩而是書剞劂藏事幸得受而讀之局中諸

君請弁言於簡端凱泰於是書樂觀厥成而

已尚奚云頌念閩省負山襟海乃東南一大
都會也覽斯編者仰

聖謨之廣運撫戶口之殷繁於學校經籍宜思所
以振起人文於職官名宦宜思所以澄清吏

治於田賦鹽法宜思所以興利而除弊於海
防關隘宜思所以因時而制宜語有之不習
為吏視已成事省之有志固得失之林考鏡
之資也願與我同官諸君子孜孜焉日夕講
求於

國計民生務期保泰持盈有備無患以上副

聖天子簡畀之重而胥海隅蒼生同游於熙皞之

宇此則我

憲廟詔修直省通志之本意也若徒以備海疆之掌
故供文人學士之取材抑末矣夫

同治辛未仲夏撫閩使者寶應王凱泰謹譔



謹攷

國朝福建通志始成於乾隆二年凡七十八卷
繼修於乾隆三十三年凡九十二卷前後
承修者謝古梅沈荻林諸老典型尚有如
見其人焉道光八年戊子貢院工成九年
以餘貲開志局其時 陳恭甫師主講鰲
峯兼志局總纂 師固海內經師同局亦

一時才雋若使老手章成如 阮文達師
之定廣東通志夫豈淺聞小吏所能及哉
無何費絀局停哲人旋萎乃有異己者紛
紜聚訟且分攘稿本去而四百卷遂殘缺
矣至十五年乙未當軸延 魏和齋先生
續成之維時難於經費弗克開局採訪
先生一鳳池院長耳僅得邀親友數人襄

其事心力財力可云兩盡閒有旁參未議者先生素長厚不敢盡疑其私也然則此書之大概可知矣稿既定麟都轉捐蚨二千串助刊以侯邑侯董其役侯委之吏寄刊於溫陵賤工旣無校錄之才爭漁工料之利刻未半而貲罄矣事遂中止予局外人也見見聞聞何無何有顧竊念師